

KOMUNIKADO PA PRENSA 21 di desèmber 2012

### **Prima stabil pa Pensioenfonds Caribisch Nederland**

Direktiva di Pensioenfonds Caribisch Nederland (PCN) a disidí di mantené por lo pronto e prima di penshun pa aña 2013 na e mesun nivel di aña 2012. Esaki ta nifiká ku e prima di 2013 tambe lo ta 26,1% di e base pa penshun.

E base pa penshun ta igual na e salario fiho huntu ku benefisionan riba kua tambe ta kobra prima di penshun, ménos e asina yamá frankisia . E frankisia ta e parti di e entrada di un empleado riba kua no mester paga prima di penshun, debí na e echo ku e lo risibí penshun di behes general (AOV). Empleadonan di organisashonnan ku ta kai bou di PCN ta sigui paga 8,7% di e base di penshun, miéntras ku e doño di trabou ta paga 17,4% di e base di penshun.

Sin embargo, direktiva di PCN a komuniká tambe ku ta posibel ku den transkurso di 2013 lo disidí na adaptá e prima ainda, si esaki resultá nesesario. Un desishon tokante e prima definitivo pa 2013 ta dependé di e implementashon kompletu di e atministrashon di e partisipantenan den PCN. Asina ku e implementashon aki ta kompletu, PCN lo tin un mihó bista di su obligashonnan riba tèrmino largu. Esaki lo por kondusí na un adaptashon di e prima ku ta kobra pa e sobrá di aña 2013.

*Pa mas informashon por tuma kontakto ku:*

Ofisina di PCN na Boneiru  
Email: [secretris@pensioenfondscn.com](mailto:secretris@pensioenfondscn.com)  
Telefon: 00 599 701 91 15.